

武英殿聚珍版丛书

天

天

天

天

天

天

天

天

茶山集卷七

宋

曾

幾

撰

五言絕句

題東臯

市聲俱不聞野色良可喜聽公北宅住還我東臯子

西崦

一重仍一掩少有外人知杖屨歸來處斜陽隱半規

南埭

薰風追晚涼愛日引朝步瘦策與青鞋應知來往路



北垞

不謂蕞爾邦有此歸然宅江山自比鄰風月相主客

松谿

不似居城市澄湖上有松日斜人影散百尺臥蒼龍

竹塢

煙雨百餘年茅茨數間屋中有在家僧蕭然如此竹

梅坡

破雪一枝好令人雙眼明未須貪結子對汝不勝清

蘭畹

深林以薌名花木不知數一點無俗氛蘭芽在幽處

叢桂

行攀叢桂枝坐息叢桂影王孫胡不歸歲晏雪霜冷

海棠洞

玉頰酒潮紅醉頭扶不舉杜老豈無詩應爲六丁取

柔桑陌

南陌綠成陰園林正春老能令蠶事辦更遣鴉音好

梨花原

酒渴上安市甘寒爲解圍鵝兒黃不見空見鷺鷥飛



芥山集 卷七  
柑子園

小摘亂青黃開嘗馥香氣持比千戶封真成敗人意

山齋

頗知藏曲折故作小崢嶸一穗香已過半山雲正橫

泛宅

薌林新賜宅春水向鷗前不是蕭何第元非范蠡船

上饒方君小倅官而不婚宦居偏戶間靜無官宦  
之事舍後梯城而上卽棚爲亭盡得溪山之勝名  
之曰快哉爲作四小詩以快哉此風爲韻



簿書苦沈迷世俗嗟迫隘不如溪山上風至取一快  
掾曹官事了載取麴生來得酒且歡喜俗氛安在哉  
從容吏隱間遊戲僧俗裏孤月浪中翻吾心正如此  
偈仄何偈仄官居塵土中高城與隔盡惟有一溪風

遺直堂

并序

三孔某之舅氏也伯舅舍人熙寧間實爲台州  
從事手植檜于官舍之堂下逮今八十有餘年  
矣某假守是州因以遺直名其堂作詩六章用  
叔向古之遺直爲韻以告來者庶幾勿翦焉



三孔吾渭陽猶及見仲叔堂堂舍人公再拜但喬木  
長身一庭中勁氣九霄上思公立朝時凜凜不可向  
策登董相科賦作長卿語劉牢出外甥愧我不如古  
老柏蜀人愛甘棠召南思頌客清樾下作詩詠歌之  
元祐幾閱歲諸公一無遺吾舅典型在神明力扶持  
柏葉松其身在時公手植雜樹誰所栽一錢初不直

同官皆和復次韻

蒼官可長雄餘子皆季叔所以吾外家深栽後彫木

高標何許看小閣有時上烈風知人懷柯葉盡西向

州治



小閣實與推  
官廳爲鄰

孔父昔所遊父老不能語文章翠珉上如此樹高古

台州

修城記舅氏之文也

寂寞西州路淒涼渭陽思敢不酷似舅蒼官實臨之

大厦要直木郢斤棄如遺一朝諫省上王魏不支持

舅氏

應直言極諫科中之緣力詆新法忤時相意罷歸故官元祐中擢大諫

華屋落山邱悲歌詠曹植故有主林神百年依正直

### 玉井

茗飲貴石泉江流亦其亞甘寒如此井未肯出汝下

碧蘆深

春風桃李蹊學語鳥相喚不可無寒蘆汀洲下鳧鴈

通幽花徑

一徑夾青葱無人到幽處花發曉鶯啼欣然得佳趣

虎川

水紋如此云

嘯壑有於菟吹波作奇字川上雪髯翁文章政相似

放魚磯

一絲公不挂釣餌也憐渠舊日垂竿地臨流只放魚

三老亭



華髮累朝人蒼髯幾時樹政恐郢斤尋明堂要材具  
題摘蔬亭

幽畦小雨餘一一錦繡段春日細春盤懸知咄嗟辦

題退軒

求名恐顛墜求道戒進取誰知卻行人可以超萬古

題無熱軒

一溪喬木陰六月火雲冷門外有行人寒泉思汲井

寄軒

人皆愛吾廬燭理均是寓未辨山林居聊依佛僧住

企疏堂

薌林未置身泛宅先入手二疏歸來時能似今日否

羃翠庭

羃木上參天清陰併爲一炎曦無路來不廢風月入

醉石

冷石磨青瑤客至相與飲醉倒不用扶真成一高枕

墨坳

有水碧于天元雲滃然起定是臨池人一沐管城子

駕月橋



伐木梁清淺扶藤日幾回嫦娥與牛女昔日度橋來

### 過花橋

溶溶水拍隄了了花隔岸不著小橋通令人方寸亂

歸來橋

吉安府志橋在廬陵縣治之北

安車過橋時童稚皆喜舞題柱作歸來元無長卿語

廿一兄以手和四清香見餉用心清聞妙香爲韻

### 成五小詩

微雨久逾潤禪房低復深下帷香一縷收盡向來心  
花覆春風殿爐薰上紫清舊時香案吏趺坐對煙明

不屬蔚宗傳又非知見薰從來香一瓣只許自聞聞

擬去竹塢閒煎茶炷新料從容二士談領會一語妙

老柏參深水封題遠寄將發奩知長者閉閣自調香華嚴

經鬻香長者

### 六言絕句

李商叟秀才求齋名于王元渤以養源名之求詩

自古詞林枝葉皆從根柢中來萬卷須窺藏室一塵莫

點靈臺

老杜詩家初祖涪翁句法曹溪尚論淵源師友他時派



列江西

學問直須富有文章政要深藏玉在山中輝潤蘭生林  
下芬芳

廣南韓公主

璉

舶使致龍涎香三種數珠一串戲

贈

千里傳聞陸凱一枝遠寄梅花虎節無煩驛使龍涎走  
送寒家

花氣薰肌郁郁貫珠入手纍纍想見范公和處絕勝乃

祖偷時

茶山集 卷七  
黃嗣深尚書自仰山來惠茶及竹薰爐

茗椀中超舌界薰爐上悟香塵坐我集雲峰頂對公小  
釋迦身

黃嗣深尚書見訪

騎氣初占客至履聲忽報公來不亂空庭鳥雀何妨滿  
席塵埃

茶山集卷七



茶山集卷八

宋

曾

幾

撰

七言絕句

乞梅會宏甫二首

尋梅不惜上南坡  
傍險衝泥柰老何  
寂寞僧牕禪榻畔  
好枝還解送人麼

臘前臘後無非雪  
溪北溪南併是梅  
知有家山難覓路  
敢煩健步送春來

覓梅